

傳法正宗定祖圖序

百九

宋鐸津東山沙門臣僧契嵩撰

原夫菩提達磨實佛氏一教之二十八祖也。與乎大迦葉乃釋迦文如來直下之相承者也。傳之中國年世積遠譜謀差謬而學者寡。

百九

識不能推詳其本真遂不諒紛然異論古今

頗爾契嵩平生以此爲大患適考其是非正其宗祖其書垂出會頒祖師傳法授衣之圖布諸天下而學佛者雖皆榮之猶聽瑩未諭上意契嵩幸此竊謂識者曰吾佛以正法要爲一大教之宗以密傳受爲一大教之祖其宗乃聖賢之道源天地生靈之妙本也其祖乃萬世學戒定慧者之大範十二部說之真驗也自書傳亂之曖昧漫漶天下疑之幾千百載矣今上大聖特頒圖以正其宗祖然聖

人教道必聖人乃能正之是豈唯萬世佛氏之徒之大幸也亦天地生靈者之大幸也。契嵩因不避其僭越愚妄之誅敢昧死引其舊事推衍上聖意仰箋乎祖圖亦先所頒祖師傳法授衣之謂也然其始亂吾宗祖熒惑天下學者莫若乎付法藏傳正其宗祖斷萬世之諱者莫若乎禪經禪經乃先乎付法傳六十二載始終備二十八祖已見於晉之世矣付法傳乃真君廢教之後缺然但謂二十四世方見乎魏之時耳適以禪經驗而付法藏傳果其謬也若如來獨以正法眼藏密付乎大迦葉者則現之涅槃經智度論禪經與其序也以意求之而佛之微旨存焉上睿性高妙獨得乎言謂之外是乃天資佛記也故其發揮禪祖雅與經合宜乎垂之萬世永爲定

斷三學佛子遵之仰之天下不復疑也其圖

所列自釋迦文佛大迦葉至乎曹溪第六祖

大鑒禪師凡三十四位又以儒釋之賢其言

吾宗祖素有證據者十位列于諸祖之左謹

隨其傳法正宗記詣闕上進塵蹟宸眷不任

惶恐震懼之至謹序

劉昫字耀遠涿州歸義人也天祐中始以軍事衙推仕及開運初授司空平章事又監修

國史故其撰唐書神秀傳曰昔後魏末有僧

達磨者本天竺國王子以護國出家入南海

得禪宗妙法自釋迦相傳有衣鉢爲記世相

付授初來至梁詣武帝帝問以有爲之事達

磨不悅乃之魏隱於嵩山少林寺而卒其年

魏使宋雲於葱嶺迴見之門徒發其墓但見

衣履而已達磨傳慧可慧可傳僧璨僧璨傳

道信道信傳弘忍弘忍傳慧能神秀昫卒於
宋太保



始祖釋迦牟尼
佛示生於中天
竺國爲淨飯聖
王之子尋捨轉
百九
輪聖王位出家
成無上道轉大
法輪其後七十
九歲垂般涅槃
乃以其大法印
付其高足弟子
摩訶迦葉并勅
阿難副貳傳化



復以金縷僧伽
梨衣令大迦葉
轉付當來補處
彌勒佛其說偈曰
法本法無法
無法法亦法
今付無法時
法法何曾法
第一祖摩訶迦葉本摩
竭陀國人出於婆羅門
氏其形金色先捨家入
山以頭陀法自修及會
佛出世遂歸之爲師佛
般涅槃之後乃命衆阿

羅漢與結集法藏其後持佛衣將入定於雞足山以待彌勒下生乃以其法印傳之阿難說偈曰法法本來法無法無非法何於一法中 有法有非法

第二祖阿難姓刹帝利斛飯王子釋迦如來之從弟慕佛出家爲佛侍者總持第一傳佛所說之法若水傳器未嘗忘遺及其欲趣滅度乃以法付其弟子商那和修又囑累乎末田底迦者說偈曰

百九
各各須自悟 悟了無無法



第三祖商那和修亦曰舍那婆斯摩突羅國人姓毗舍多氏在母之胎六年生有自然之服隨身而長出家爲阿難之徒預受佛記居優留茶伽藍先伏其地之二火龍然後領衆處之及其將入涅槃乃以法付其弟子優波鞠多說偈曰非法亦非心 無心亦無法說是法時 是法非心法第四祖優波鞠多吒利國人姓首陀氏師商那和修出家得道有異迹號爲無相好佛度人最衆所記其



人籌數盈溢石室將入滅遂以法付其弟子提多迦說偈曰
心自本來心 本心非有法
有法有本心 非心非本法

第五祖提多迦摩伽國人其姓則未詳初從翹多尊者出家行化至中印土會大仙者彌遮迦自說夙緣求爲其徒及將入滅乃以法付彌遮迦說偈曰

通達本心法 無法無非法悟了同禾悟 無心亦無法



第六祖彌遮迦中印土人姓則未詳初厭仙術求師提多迦出家學佛既而證果行化至北天竺得異人婆須蜜爲其說佛昔嘗記汝將紹祖位即攝受爲之弟子將般涅槃乃以法付婆須蜜說偈曰無心無可得 說得不名法若了心非心 始了心心法

第七祖婆須蜜北天竺國人姓頗羅恒氏始常服淨衣持一酒器神氣自若人皆不測及遇彌遮迦顯其夙因遂投器從之出家證道納戒行



化至迦摩羅國以論議服
佛陀難提爲之弟子將入
涅槃乃以法付之說偈曰

心同虛空界 示等虛空法

證得虛空時 無是無非法

第八祖佛陀難提迦摩羅國

人姓瞿曇氏生而頂有肉髻

性大聰明能一覽悉記其齒

已四十歲會婆須蜜來其本

國乃慕其說法從之出家得

道納戒亦務遊化至提伽國

得奇人伏駛蜜多爲之弟子

臨般涅槃乃以法付之說偈曰

虛空無内外 心法亦如此

若了虛空故 是達真如理

百九

七



第九祖伏駛蜜多提伽國
人姓毗舍羅氏生已五一
歲矣口未嘗言足未嘗履
遇佛陀難提至其舍父母

將以見之既見難提忽自

發語趣其前而行即願師

之出家尋亦成道戒已遊

化至中印土得香蓋長者

子即脇尊者也以爲弟子

將滅度遂以法付之說偈曰

真理本無名 因名顯真理

受得真實法 非真亦非僞

第十祖脇尊者中印土人

在胎凡十六年乃生因名

難生多有異迹會佛陀難

提至其國父香蓋携詣之
精苦晝夜脇不至席故號




脇尊者遊化至花氏國先
示瑞相後果得富那夜奢
出家為之弟子及其垂滅
乃以法付之說偈曰

真體自然真 因真說有理
領得真真法 無行亦無止

第十一祖富那夜奢花氏
國人姓瞿曇氏生有道性
自知當遇聖師及脇尊者
至其國乃詣其法會語論
相契即從之出家得道遊
化至波羅奈國得馬鳴爲
之弟子然正合佛記及臨
入滅乃以法付之說偈曰

迷悟如隱顯 明暗不相離
今付隱顯法 非一亦非二



第十二祖馬鳴波羅奈國

人未詳其姓氏初從富那
夜奢出家得戒其師爲說

夙緣曰汝昔嘗化彼一國
之人裸形如馬而其人悲

鳴戀汝之德因是號汝馬

鳴也遊化至花氏國遂降
迦毗摩羅大魔即攝伏爲
之弟子垂般涅槃乃以法
付之說偈曰

隱顯即本法 明暗元不二

百九 今付悟了法 非取亦非棄

第十三祖迦毗摩羅花
氏國人未詳其姓氏初
爲外道有大幻術因詣
馬鳴較法不勝遂爲其
徒得道戒已亦遊化至





西天竺降大火龍因之得龍樹爲之弟子將滅乃以其法付之說偈曰非隱非顯法 說是真實際悟此隱顯法 非愚亦非智第十四祖龍樹西天竺國人未詳其姓氏大聰敏世學無所不通其國有山名龍勝其山先有神龍所居有巨樹能蔭衆龍及龍樹有所感悟意欲出家遂入其山依樹修行已能爲群龍宣說佛法迦毗摩羅知其名乃來就見龍樹遂禮之爲師紳戒遊化至南天竺得迦那提婆垂滅度以其法付之說偈曰

爲明隱顯法 方說解脫理於法心不證 無真亦無喜



第十五祖迦那提婆南天竺國人姓毗舍羅會龍樹至其家及門龍樹先遣以滿鉢水置其前那提即以一針投之水中遂師龍樹出家爲其高足弟子其後行化至迦毗羅國得羅睺羅多爲徒將入滅以法付之說偈曰本對傳法人 爲說解脫理於法實無證 無終亦無始第十六祖羅睺羅多迦毗羅國人姓梵摩氏既遇提婆得明其家樹耳之緣即師之出家悟法有異迹其後統徒遊化至室羅筏城

以佛記訪僧伽難提尋亦

得其出家為弟子將般涅槃乃以法付之說偈曰

於法實無證 不取亦不離

法非有無相 內外云何起

第十七祖僧伽難提室羅筏國人姓刹帝利乃其國王之

子謂是昔婆羅王佛也示生王家遂於王宮落髮受戒尋

出其國之名山石室修禪會
羅駁羅多至其禪所因伏膺

益求法要羅多即以法傳之

後往摩提國尋羅多所記嗣
法之者乃得伽耶舍多入滅

以法付之說偈曰

心地本無生 因地從緣起

緣種不相妨 花果亦復爾



第十八祖伽耶舍多摩提國

人姓鬱頭藍氏平生尤多奇
迹會僧伽難提來其舍相求
因師而出家納戒即得付法

遊化至月文國遇鳩摩羅多
爲說其家異大之緣及原吉

夢鳩摩羅多即師之出家將
入涅槃乃以法付之說偈曰

有種有心地 因緣能發萌
於緣不相礙 當生生不生

第十九祖鳩摩羅多


月支國人姓婆羅門
氏夙稱不測之人以
緣示生於此尋得師
伽耶舍多出家傳法



行化至中天竺得闍夜多爲其弟子將滅乃以法付之說偈曰性上本無生爲對求人說於法既無得何懷決不決第二十祖闍夜多北天竺人未詳其姓氏會鳩摩羅多至其本國聞其所說業通三世感悟從之出家得法乃遊化諸國至羅閱城得婆修槃頭比丘爲徒將滅以法付之說偈曰

言下合無生同於法界性若能如是解通達事理竟

第二十一祖婆修槃頭羅閱國人姓毗舍佢氏在胎嘗有聖僧以其夙緣告其父母及生大異稍長從光度羅漢出家慕飲光修杜多行尋會間夜多得傳大法遊化至那提國得摩訥羅爲徒將滅以法付之說偈曰泡幻同無礙如何不了悟達法在其中非今亦非古第二十二祖摩訥羅那提國人姓刹帝利乃其國王之子也有大神力父王命師婆修槃頭出家已得戒付法遊化自西天竺以神





通自舉至月支國得鶴勒

那比丘即以法付之尋般

涅槃其付法偈曰

心隨萬境轉 轉處實能幽

隨流認得性 無喜復無憂

百九

十三

第二十三祖鶴勒那月支國

人姓婆羅門氏在胎及生頗

有異迹尋從羅漢比丘出家

納戒常林棲誦經以夙因緣

感群鶴依之故得其號晚因

摩訥羅得法遊化至中天竺

國得師子比丘爲其徒將滅

以法付之復誠之曰汝往他

國其國有難而累在汝躬慎

早付授無令斷絕偈曰

認得心性時 可說不思議

了了無可得 得時不說知

百九

十三



第二十四祖師子比丘中天竺

國人姓婆羅門氏少已出家習

定晚又師鶴勒那得付大法往

化於罽賓國先化正他宗者如

達磨達等甚衆後得長者子斯

多決其握珠之緣遂受之出家

以其夙緣特加其名曰婆舍斯

多斯多戒已師子乃謂曰適觀

此國將加難於我我豈苟免而吾

所傳如來大法眼藏今付於汝汝

宜奉之即去自務傳化或有疑者

即以吾僧伽梨衣為信說偈曰

正說知見時 知見俱是心

當心即知見 知見即于今

第二十五祖婆舍斯多罽賓

國人姓婆羅門氏以方言不同本傳凡三出其名

生有異迹既遇師子與辨其

夙緣乃爲其徒師子知自有

難遂預以法付之斯多即去

歷中天竺南印土所化多有

異事遂得南天竺國王之子不如蜜多爲之弟子與之還其前所化境將滅以法付之說偈曰

聖人說知見 當境無是非
我今悟真性 無道亦無理

第二十六祖不如蜜多南天

竺國人姓刹帝利亦多異迹

以太子從婆舍斯多出家得

果尋從斯多出宮乃得付法

遊化至東天竺得聖童子瓔

珞出家爲徒改名般若多羅

謂是大勢至菩薩垂迹將入

滅乃以法付之說偈曰

真性心地藏 無頭亦無尾

應緣而化物 方便呼爲智



第二十八祖菩提達磨第四
第九
三四說
羅之類凡
南天竺國人姓刹帝利
蓋其國王之子也從般若多羅
出家得其付法謂是觀音菩薩
之所垂迹其後六十七年乃以
法來東來震旦其所傳授直指人
心見性成佛不資文字初至梁

第二十七祖般若多羅東天竺國人姓婆羅門氏初以童子遇不如蜜多其聖迹既顯遂從之出家納戒得傳法印遊化南天竺國得其國王之子

菩提多羅爲之弟子改其法名曰菩提達磨此後更四十餘載入滅乃以法付之說偈曰

心地生諸種 因事復生理
果滿菩提園 花開世界起

第四
第五



以其機緣不契乃往北魏止於嵩少九年方得慧可從其求道其後果以大法付慧可并衣鉢為信乃為此土傳法之初祖也後去少林而示滅度其傳法偈曰
吾本來茲土 傳法救迷情
一花開五葉 結果自然成
百九十五
第二十九祖慧可武牢人姓姬氏三十捐世書出家尋得戒三十二以異夢辭其本師混迹於京洛遇達磨大師乃立雪斷臂懇求法印果得其傳授因為易名遂為衆之所歸尋得三祖僧璨為之弟子以法付之却往鄴都償其夙累其傳法偈曰
本來無有種 因地種花生



第三十祖僧璨不知其句許人初以處士見慧可尊者不稱姓名因問法發悟乃師之出家遂命名法名納戒可祖乃以法付之去隱舒州皖公山三十載方為衆所歸尋得道信以沙彌師之道信既納戒即以法付之其後子然乃南遊于羅浮山其傳法偈曰
花種雖因地 從地種花生若無人下種 花地盡無生
第三十一祖道信蘄陽人姓司馬氏以頴悟得法於三祖至唐初乃居蘄之雙峯山途中得奇童度為弟子遂名之曰



弘忍尋以法并前祖信
衣付之後乃滅度其傳
法偈曰

花種有生性 因地花生生
大緣與信合 當生生不生



第三十二祖弘忍斬陽黃梅
人姓周氏生有殊相有賢者
見之曰此具大人相所不及
如來者七種耳師四祖道信

出家納戒尋得其付法繼居
破頭山即雙峯是教化大盛咸亨

中客有盧居士自稱慧能自

嶺南而來趨其法會忍祖器

之以其所呈法偈遂以居士

傳法并以衣鉢說偈曰

有情來下種 因地果還生

無情既無種 無性亦無生

百九 十六

弘忍尋以法并前祖信
衣付之後乃滅度其傳
法偈曰

花種有生性 因地花生生
大緣與信合 當生生不生



第三十三祖慧能新州新興
人姓盧氏初以至孝事母家
貧以鬻薪為資因聞商客誦
經乃知五祖弘忍傳佛心印
遂備資與母辭去就黃梅以
求其法見五祖相契竊以居
士受法南還廣州落髮於法
性寺得具戒後居韶陽曹侯
溪大為四衆所歸方以其法
普傳前祖所授衣鉢則置之
於其所居之寺其後說偈示
徒以顯其法偈曰

心地含諸種 普雨悉皆生
頓悟花情已 菩提果自成



心地含諸種 普雨悉皆生

頓悟花情已 菩提果自成



竺大力者第二十三祖鶴勒那之弟子也以

漢獻帝之世至于洛邑後乃適吳與康僧會相遇僧會嘗問大力曰仁者師誰曰吾師鶴勒那僧會曰鶴勒之徒如仁者幾何人復有過之者耶大力曰似我者三千若其穎出但一上人耳其號師子比丘其人密受正法與我師繼世方揚化於北天竺國

佛馱跋陁天竺人也本姓釋迦氏甘露飯王之後也初會秦僧智嚴於罽賓國乃懇請跋陁偕來諸夏傳授禪法初至長安其後乃之廬山遂出其禪經與遠公同譯譯成遠公爲之序嘗謂遠公曰西土傳法祖師自大迦葉直下相承凡有二十七人其二十六祖近世滅度名不如蜜多者所出其繼世弟子曰不若多羅者方在南天竺國行其教化達磨未
繼世作

稱之祖故未故其禪經曰佛滅度後尊者大迦葉

尊者阿難云乃至不如蜜多羅諸持法人以

此慧燈次第相傳我今如其所明而說是義所聞者即達磨多羅也後爲二十八祖故遠

公序曰達磨多羅西域之雋禪訓之宗寶林

傳所謂跋陁嘗與遠公言其傳法諸祖世數固驗於禪經矣愚考其翻譯禪經之時乃先於付法藏傳六十二年而已有二十八祖而付傳輒出魏氏毀教之後但列二十四世妄斷其相付法人於此便絕反于禪經豈其欲有所欺乎愚正宗論嘗指其傳之非詳矣然其謬書可焚也

曇摩迦羅者中印土人以魏黃初壬寅三年至于許昌許昌僧光璨嘗問曰西國有何勝師以何法住持迦羅曰西土凡有二大士一

曰摩拏羅二十二祖也 一曰鶴勒那二十三祖也 皆傳正法以法住持其一化西印土其一化中天竺國僧祐者本齊人歸梁以持律知名嘗著出三藏記其薩婆多部相承傳目錄曰婆羅多羅二十祖五祖 弗若蜜多二十祖六祖 不若多羅二十祖七祖 達磨多羅二十祖八祖 祐尋終於渠也

支強梁樓者中天竺國人也以前魏陳留王世至洛陽與曇諦康僧鑑輩譯經因謂諸僧曰我昔在西域嘗往罽賓國至葱塗源入其象白山見達磨達牟壽高謂其得法之師百九文

師子尊者嘗爲彌羅崛王起難橫害先難預以其相承大迦葉所傳佛之心印妙法付其同學達磨達同學 號婆舍斯多也二十三祖也 復授衣爲信其時即遣往化於南天竺國支強自謂亦相識婆舍斯多然諸祖事迹自七佛以來

至乎二十五祖婆舍斯多乃此支強之所譯也那連耶舍者罽賓國人也以東魏孝靜之世至于鄴都初與處士萬天懿譯出尊勝陀羅尼後因謂天懿曰西國諸祖二十七大士亦受持此經然二十七祖號般若多羅其所出繼世弟子曰達磨多羅者昔當魏明帝世正光元年至洛陽其人亦喜此經萬天懿曰然此大士我亦聞其當於祖位傳佛正法不悉其後復有繼之者乎耶舍遂以偈答之其說皆隱語凡自七佛至二十七祖與達磨二十八祖傳受之事蓋此耶舍之所譯也波羅芬多者中天竺人也以前魏廢帝齊王之嘉平二年來洛陽至晉太始三載其弟子摩伽陀復來芬多因問曰汝在西時頗遊北天竺耶或謂師子尊者無辜爲其國王所害

是否今復有傳法者與其相繼耶摩伽陀曰
然師子害死至今二十三白有沙門號婆舍
斯多本罽賓國人先難得其付法授衣即日
去之方於中天竺大隆佛事芬多謂其弟子
曰我亦聞之汝言驗矣當時好事者即書留
于白馬寺後有玄朗法師者得於其寺乃傳
於世

犍那者不知其西域何國人也未詳何時至
諸夏唐天寶中與河南尹李常者相會常問
曰天竺禪門祖師多少犍那曰自大迦葉直

至般若多羅凡有二十七祖不言達磨以其
若總以西土言之為此土初祖也
乃有二十八祖也若敘師子尊者旁出達磨
達四世二十二人總有四十九祖若從七佛
至此璨大師時慶三祖璨舍利作齊不括橫枝凡有三
十一世常又問他僧曰余見祖圖或引五十

餘祖至其枝派差殊宗族不定或但有空名
此何以然時有六祖弟子曰智本禪師對曰
斯蓋後魏之時佛法毀廢當時有僧曇曜於
倉卒間單錄諸祖名目不暇備寫懷之亡於
山谷後三十餘年當其君孝文帝之世曜出
之與衆絹綴爲付法藏傳其差悞失事實
乃曇曜之所致也然愚嘗考曇曜輩所爲付
法藏傳其文誠類單錄自彌遮多迦至乎師
子羅漢凡七祖師最缺殊無本末亦李常所
謂祖圖但空有其名者此是也

裴休字公美自唐會昌中以兵部侍郎御史
大夫同平章事號爲名相撰圭峯密師傳法
碑曰釋迦如來最後以法眼付大迦葉令祖
祖相傳別行於世非私於迦葉而外人天聲
聞菩薩也自大迦葉至於達磨凡二十八世

達磨傳可可傳璨璨傳信信傳忍忍傳能為

六祖

傳法正宗記定祖圖

音釋

曖昧於代切曖昧不明也。漣呼玩切漫漒不分別也。雋切巨焉。

鎧

口亥

捷

切巨

焉

與俊同

祖峻切

六祖